



殊域周咨錄卷之十三

行人司行人刑科右給事中嘉禾嚴從簡輯

揚州府學訓導彭天翔

江都縣學訓導王三汲仝校正

西戎

土魯蕃

土魯蕃在今火州城西百里舊隸其部唐交河縣池也本朝永樂中親征北虜常過其近境見水齧沙出有碑曰唐之交河郡上諭金幼孜等曰此在今爲哈刺火州因兩河相交故名耳

按成祖出塞俱從宣府之路未嘗至其地北征錄言至其近境然相去亦尙遠也

宣德五年萬戶賽因帖木兒遣使貢馬及璞玉以後常貢但西域諸國惟此番最强盛每侵凌他邦成化九年其酋速壇阿力後止二字稱阿作亂入哈

密將其國王母并金印虜去奪占其城上命都督李文通政劉文往撫處調集番兵住劄苦峪不敢前進迨撤師回喪失頗衆自此其酋漸輕中國

之兵矣阿力竟留王母金印益侵我城郭諸夷十八年阿力病故弟速

壇阿黑麻立

後止稱阿黑麻

甘肅守臣乘間奏立王母之甥罕慎爲都督遣使送

入哈密

弘治元年阿黑麻稱罕慎非脫脫族何得王哈密哈密我當王

欲殺罕慎畏未敢發乃爲好語詒罕慎曰吾爲爾聯姻爾爲王益安無外

侮罕慎喜許之阿黑麻至哈密誘罕慎頂經結盟遂殺罕慎亦未敢顯言

據哈密即遣使入貢言罕慎病死國亂乞遣大通事和番立我爲王居哈

密領西域職貢兵部尙書馬文升言外夷北虜最强屢入貢乞通使我不

聽阿黑麻小夷且與哈密各有分地不可輒通使亦不得王哈密彼若入

貢我亦不拒請勅阿黑麻諭令送王母及金印還哈密四年遣哈密頭

目寫亦虎仙齋勅諭阿黑麻阿黑麻以金印城池來歸遣使朝貢厚賞之

文升言哈密有回畏兀兒哈刺灰三種共居一城種類不貴不相下北

山又有小列禿野也克力數種強虜時擾哈密必得元遺孽嗣封理國事
庶可懾服諸番乃立安定王族孫陝巴爲忠順王 五年阿黑麻入哈密
殺虜陝巴及金印去內閣丘濬謂文升曰哈密事重須公一行文升曰方
隅有事臣子豈可辭勞但西域賈胡慣窺利不善騎射古未有西域能爲
中國大患者徐當靜之濬曰有識言不可不慮文升請行諸大臣不可請
勅兵部侍郎張海都督侯謙行視經畧時阿黑麻貢使寫亦滿速兒等在
京師命海至河西令夷使二三人與邊上通事致勅諭阿黑麻歸陝巴金
印諸夷使爭欲去海不可乃遣哈密夷人以勅往阿黑麻竟留不報海不
得已修嘉峪關捕哈密奸回通阿黑麻者二十餘人戍廣西請絕西域貢
七年春海謙不奉命輒還朝上怒逮下獄降海山西叅政謙奪俸閒住文
升言土魯蕃恃其强悍哈密奸回又反復欺負中國不懲創彼益輕中國
請安置寫亦滿速兒等於閩廣閉嘉峪關絕西域貢令諸夷歸怨阿黑麻
當是時西域諸夷皆言成化間我入貢皇帝先遣中貴人迓我河南至京

宴賜甚多今皇帝不撫我我泛海萬里貢獅子謂我開海道却不受卽從河西貢者宴賞亦薄天朝棄絕我相率從阿黑麻且拒命中國能奈我何哈密奸回又附阿黑麻阿黑麻遂復入哈密自稱可汗大掠罕東諸夷譟言糾夷數萬用雲梯攻肅州且蹂甘州報至文升曰彼虛聲挾我也土魯番至哈密十數程中經黑風川哈密至苦峪又數程皆無水草貢使往返皆駛水行使我謹烽火明斥堠整兵以俟彼至肅州我以逸待勞縱兵出奇一擊必使彼隻馬不返已而阿黑麻西去令頭目牙蘭以二百餘人據哈密文升曰非用陳湯故事此虜終不畏文升召肅州撫夷指揮揚翥至京撫其背曰汝諳夷情知西域道路主上今欲擒斬牙蘭汝計安出翥曰此賊黠非襲之不可罕東至哈密有捷徑可進兵可不十日至文升曰余欲選罕東兵三千爲前鋒我兵三千殿後各持數日熟食兼程襲之何如翥曰善八年令河西巡撫許進調兵食遣副總兵彭清統精兵三千由南山馳至罕東即調罕東諸番兵乘夜倍道襲牙蘭是冬進及總兵劉

寧率兵至肅州久駐關外候罕東兵不至乃出大路乏水草行不能速牙蘭訥知遁去我兵入哈密斬首六十得陝巴妻女獲牛羊三千哈密脇從者八百餘人皆不殺携以歸住西徼上師還糧乏士馬亦多物故然西域自是知畏中國文升言兵雖抵哈密然未獲牙蘭首功亦少進寧及太監

陸闔不遵節制徒取空城無益邊事獨軍士遠征勞苦宜陞賞

牙蘭即牙木蘭也

上念邊臣出塞有功加闔歲祿二十石寧陞左都督加俸百石進左副都

御史清都督僉事九年阿黑麻又襲破哈密令撒他兒及奄克孛刺住

刺木城奄克孛刺密結瓦刺小列禿襲斬撒他兒奄克孛刺還守哈密阿

黑麻遣人圍哈密哈密人舉火小列禿見之來援退走守臣奏乞令羈留

貢使往諭阿黑麻納欵文升曰阿黑麻未見遣使上欵書不許是秋進改

陝西巡撫十年秋阿黑麻令人送陝巴還哈密其兄馬黑上書言西域

諸國不得貢怨阿黑麻今悔過乞許與黑婁諸國入貢及還寫亦滿速兒等文升言此虜挾詐俟陝巴金印至甘州取寫亦滿速兒等於閩廣是冬

命總制王越經畧土魯蕃哈密 十一年越出河西取陝巴至甘州令哈密三種都督回回寫亦虎仙畏兀兒奄克索刺哈刺灰拜迭力迷失佐陝巴復封爲忠順王取寫亦滿速兒等發歸其國時哈密三種人久苦土魯蕃不願還文升請許半留肅州往來自便 十二年春陝巴至肅州畏番虜不肯出關守臣遣叅將率兵護行又賞赤斤蒙古諸番令逐程防護至哈密是夏寫亦虎仙致賞賜於土魯蕃諸夷使入京朝貢 十三年阿黑麻及黑婁諸國皆令人入貢 十七年哈密奸回阿宰刺有怨於陝巴乃稱阿黑麻次子真帖木兒爲罕慎外甥當襲罕慎王爵乃往迎之頭目者力克哈陝巴棄城走沙州真帖木兒阿黑麻原據罕慎女爲妾所生也年十三不肯來哈密哈密人曰陝巴走哈密城空恐爲野乜克力達子所據真帖木兒始至刺木城其兄滿速兒乞守臣令人來守哈密真帖木兒自刺木城入哈密守臣令官舍董傑及奄克宰刺往哈密撫夷衆諭迎陝巴還阿宰刺不聽必欲立真帖木兒爲王奄克宰利與傑等擒殺阿宰刺等六人餘黨畏服

守臣令都指揮朱瑄率兵送陝巴入哈密撫送真帖木兒還土魯蕃時阿
黑麻已死其子速壇滿速兒後止稱番會

番會

新立諸兄弟相讐殺真帖木兒懼不

敢歸乃曰奄克孛刺我外祖也願依之暫住哈密朱瑄恐陝巴懷疑生變

攜真帖木兒羈住甘州

正德元年陝巴死其子拜牙卽嗣封幼弱守臣

恐真帖木兒復來哈密留之甘州不遣番會所親信牙木蘭娶火辛哈卽

哈密人也後稱哈即

女爲妻與寫亦虎仙

哈密人也後止稱虎仙

之妻兄弟也牙木蘭又以

妹嫁哈卽姪亦思馬因而虎仙亦以女嫁火者馬黑木

馬黑木後止稱

互結姻戚

哈卽弟阿刺思罕兒

思罕兒後止稱

等與虎仙及伊子婿俱因進貢各在甘肅關

廂置產久住往來以貢爲名騷擾驛遞生事害人

三年番會

即滿速兒也

忠順王

即拜牙

乞討真帖木兒兵部尙書劉宇曰是謂質其所親愛不許

五年真帖木兒走出甘州城追而獲之

六年守臣請歸真帖木兒下

兵部會議請勅宴真帖木兒及番會

與忠順王并其頭目

七年冬詔差

哈密三都督奄克孛刺寫亦虎仙滿刺哈三送真帖木兒回完聚真帖木

兒久住甘州深知風土言其城南黑水可灌及有夷使傳說甘肅荒旱饑
窘人死亡且半城堡空虛番酋乃謀侵犯中國虎仙等遂爲留用忠順王
以後稱王俱拜牙卽又被奸回誘引與番酋結好遂往投順土魯蕃番酋乃令他只

丁入哈密取金印他只丁又令哈密火者馬黑木

哈密都指揮也

等至甘州索賞

且言忠順王棄國從番乞即差人守哈密巡撫趙鑑謬謂番酋忠義令他

只丁等代中國守城勤勞差撫夷官送番酋金幣二百明年正月撫夷官

纔至哈密番酋已率衆亦至分據刺木等城日夜聚謀侵甘肅又索段子

萬萬疋贈城印且言如不與即領兵把旗插在甘州門上總制鄧璋乃請

官經畧命兵部尚書彭澤奉勅往總督軍務澤請勅二道一候有番使之

便齎諭番酋還哈密城印一諭奄克孛刺

哈密都督也因其王投番乃逃往甘州後止稱奄克

回國與虎仙等守城彭澤調延寧等處軍駐甘州十年番酋遣他只丁牙木蘭

同虎仙馬力奶翁馬黑木等至肅州近邊搶掠赤斤等處人畜千計聞彭

澤軍在不敢深入假寫番文稱被赤斤搶了貢物與他報讐不敢侵犯甘

肅只討些賞賜回去彭澤不察其詐將前諭番勅書不伺番使齎去即措段絹褐布共三百遣馬驥與通事火信撫夷百戶馬昇并馬訓捧前勅二道同馬黑木虎仙等到哈密邀他只丁同往土魯蕃他只丁嫌賞薄先將金印與虎仙哈三等及將所掠去赤斤銅印一顆付馬訓等議遣驥并火信持回添取賞賜他只丁方同馬馴等至土魯蕃將勅書原齎沒絹等班賜其酋彭澤遂奏稱甘肅兵糧頗集道路開通土魯蕃雖欲侵擾甘肅決不可得今又差官往諭歸還城印地方安靜乞要放歸田里蒙旨未允火信等回甘州納撫還赤斤銅印并報添取賞賜彭澤又岱羅沒褐布共一千九百銀壺銀盃銀臺盞各一副令火信等復持往諭澤遂奏遠夷悔過獻還城印詔收回京火信又持添賜物件往彼番酋復嫌少虎仙自許其酋假一千疋他只丁五百万允具本復遣馬黑木隨赴京回奏將金印與虎仙城池暫令哈三守掌後哈密使人俄六思等送至番文稱番酋索要虎仙前許假疋有哈密大小頭目共轄假一百疋馬一百匹牛一百頭羊

三百隻交與他只丁總督都御史李昆議稱本番乘機射利納歛希恩宜量俯就番酋又遣虎都寫亦後止稱寫亦

寫亦

他只丁亦差伊弟撒者兒等前來送

印并押虎仙取段疋同馬黑木等及各國夷使將帶方物馬匹進貢驗送赴京李昆

虎仙哈三亦差伊衛夷人馬黑麻等各帶方物馬匹進貢驗送赴京李昆

與鎮守太監許宣總兵徐謙因忠順王仍被拘未回訪知寫亦係番酋親

信頭目撒者兒係他只丁親弟乃拘留爲質仍移檄番酋稱寫亦等差往

陝西催償先年貢使回日發歸仍賞織金綵段疋洗白梭布共三百件令其

送忠順王還國正德十一年虎仙續報金印已歸城池未與番酋索要段

子兵部議謂彭澤李昆皆奏城印已歸今則謂止歸金印他只丁尙在哈

密索段疋幣恐虎仙與他只丁彼此隱瞞要求重利致生他虞請行鎮巡等

官從長議處既不可嚴峻拒絕激變夷情亦不可示弱輕許開啓弊端其

番酋果來效順進貢到邊照依舊例放入加意撫待詔從之李昆許宣徐

謙乃會奏請勅二道曉諭番酋及他只丁仍各量條織金綵段疋正齎去

撫諭令忠順王還國番酋以虎仙失信并拘留夷使爲詞遣他只丁牙木蘭復占哈密兵偹陳九疇因番酋侵犯將前勅書二道停留請止操練軍馬相機剿殺許宣史鏞李昆從其議牙木蘭先令回子倒刺火者往探被獲又遣夷人斬巴思俄六思等帶馬駝牛羊假以貨賣爲名將番文往關內與思罕兒探信既入關陳九疇疑斬巴思有詐搜獲原書譯出其情內多隱語慮恐通謀生變當捕思罕兒同斬巴思等下獄責令通事毛見毛進呂成防守見進俱素與斬巴思情熟乃約虎仙部下纏頭漢回高彥名同宿商議打奪斬巴思等出城令高彥名備辦酥油羊肉二皮袋毛見毛進又將盔甲弓箭各二付寄在張子義家俟賊到穿用番酋與他只丁遂舉兵至鉢和寺史鏞等差甘州衛夜不收顧十保往肅州探息叅將蔣存禮與陳九疇未知賊兵多寡恐糧饋乏甘州軍至不能供給乃請甘州軍馬且不必動史鏞輕聽不先發兵應援番賊到嘉峪關經平川墩陳九疇蔣存禮與遊擊將軍芮寧議留遊兵都指揮黃榮守城約於明日巳時出

兵芮寧先於卯時統軍從南門往西約行十里地名沙子壩遇賊騎一千
陸續添至三千芮寧三次遣夜不收杜阿丁等馳報到城蔣存禮延至已
時方與指揮董傑同奄克從北門出至高橋兒遇賊對敵間陳九疇聞賊
勢衆大又恐城內寄住夷人變亂將各夷男子隔在關廂婦女收入城內
防守至申時賊將芮寧射死及殺指揮楊松等時都御史李昆往西寧撫
番未回九疇見官軍喪敗慮恐肅州寄住赤斤畏兀兒等處夷人數多乘
機作亂與蔣存禮議將獄中番使斬巴思俄六思并高彥名毛見毛進呂
成俱赴街市焚香告天杖死仍拘各夷奄克也先哥等諭令堅守臣節母
生異謀陳九疇復將斬巴思等帶來牛羊變賣價銀易買布疋存卹陣亡
官軍李昆到莊浪岔口驛得報兼程前進至鎮會同許先議恐賊犯甘州
拘收人畜增置戰具番賊攻開亂骨堆西店子堡殺死男婦王祥等史鏞
鄭廉各領兵進到肅州賊又攻開中截半坡二堡殺死千百戶傅成陳九
疇會同史鏞鄭廉并蔣存禮議有哈密北山瓦刺達子係奄克姻親世與

士魯蕃有讐令其往誘使搶殺土魯蕃城可以致彼掣回選遣哈刺灰夷人添哥癿兒的等往瓦刺添哥後止稱

陳九疇

欲量給賞無措乃於虎仙名下

勸罰段子二百七十疋絹一百七十二疋銀一百六十兩梭布一百三十

七疋馬五匹羊一百隻失拜烟答

亦哈密頭目也

名下勸罰段子五十一疋絹一

十疋銀六十四兩馬一匹羊一百七十隻給賞番漢官兵及與添哥齋賞

瓦刺及令奄克自寫番書諭彼頭目也力滿可等舉衆搶殺番地又給與

操馬二十二疋騎坐前去賊又攻開大莊堡殺死千戶王標時有赤斤番

人且宗爾加等報稱土魯蕃留下老營在瓜州駐劄陳九疇史鏞議令千

戶張英管領赤斤哈刺灰番夷也先哥等五百餘人前往撲殺賊從迤南

山後進至甘州李昆許宣會遣都指揮楊時等拽載兵車鎗砲截殺賊見

官軍勢衆引去李昆等亦恐甘州藏有姦夷內應將虎仙撒者兒寫亦及

各家屬并各起夷人四十四名俱捕下獄番酋遣朶撒哈及把都兒乞和

且稱俱是虎仙弄禍史鏞等訪得朶撒恰乃番酋親近頭目拘留之將把

都兒放回令其傳諭務將搶去軍馬器械人畜盡數送來方纔定奪也先
哥等人馬撲到瓜州將番酋留兵營帳攻斬首級二十一顆失拜烟答病
死賊起營西去史鏞督令鄭廉蔣存禮追至境外沙溝各斬賊首級正德
十二年正月掣兵進城議將番兵奪獲頭畜仍給番兵充賞時添哥等亦
至北山瓦刺虜營將銀牌段布賜賞其頭目也力滿可并把噲等大喜聚
衆往番攻奪其三城番酋回至王子莊得報痛哭而歸且怨恨牙木蘭失
事也添哥還報亦獲回賊及達子首級許宣史鏞李昆奏捷上命給事中
黃臣會同巡按趙春行委陝西參議施訓副使高顯僉事董琦勘問將虎
仙問擬謀叛具奏虎仙訴行肅州兵備再審奄克恐其脫放乃告虎仙及
其丈人哈即構引土魯蕃壞事今不曾正法恐貽後患時番酋行賂中朝
嬖人錢寧謀反其獄且欲誣殺九疇以洩其忿乃令失拜烟答之子米兒
馬黑麻直人東長安門捏奏伊父出城殺賊頭上中箭走回被陳九疇責
打身死詔提解虎仙等到京會審正德十三年黃臣等奏勘過甘肅鎮巡

官拘留夷使朶撒恰及虎仙等招由兵部尙書王瓊奏彭澤故違勅旨擅備賞物輕出講和擅增段絹又不候差去人回處置停當妄奏西夷就降事已寧息致蒙取回陳九疇惟知講和之爲非不思中變之爲害擅議拘執夷使因而激變疑有姦夷交通多無指實李昆既聽彭澤之講和而奏討勅賞又因九疇之辯論而停留勅書持疑二端釀成大患上詔彭澤先革職爲民李昆陳九疇及史鏞蔣存禮等損折官軍各提解到京問理刑部會同三法司將蔣存禮等并虎仙等譯審虎仙翻異原情改擬奏事不實律參看得蔣存禮防邊不固致寇內侵告急不援擁兵自保史鏞韜畧罔著守備素踈敵至而策應已遲寇去而追擒不力以致官軍殺死數多人畜驅掠殆盡許宣李昆當重鎮而經畧不密總諸軍而督調欠嚴拘留夷使停止勅書處置乖方重貽邊患陳九疇濟軍需而科罰財物徇也見而議留勅書拘囚貴官因而致死執戕姦虜事涉擅專但史鏞到任未及三月猝遇強虜侵犯計程往返千里亟整兵應援蔣存禮部下之官軍

八百城外之夷虜數千彼此相當衆寡不敵及查得蔣存禮督併番漢官軍斬獲回賊首級五十八顆而史鏞主將亦與有防陳九疇誘使各種夷人搶殺土魯蕃人畜千百有餘而蔣存禮協謀亦嘗效力其許宣李昆各能張大軍聲增完邊備西退回虜東保鎮城陳九疇首建外夷相攻之謀大省中國用兵之費又能抗方張之寇全已危之城功過亦嘗有辦黃臣趙春勘事不審情罪乖違上詔蔣存禮史鏞降二級蔣存禮降三級各帶俸差操李昆也從輕降二級別用昆降浙時彭澤九江副使許宣著閒住陳九疇爲民時彭澤九黃臣趙春對品調外任米兒馬黑麻爲父訴寃得寬免問其餘夷人但犯不應罪名的俱免運炭時土魯蕃貢使至京兵部請繫獄輔臣梁儲不可乃止十四年都御史鄧璋奏土魯蕃六次悔罪請和入貢合當隨宜撫處兵部尙書王瓊議稱若終拒絕不許來貢恐非撫馭外夷之道請將在京番使馬黑麻等及哈密年例進貢夷使分爲幾運伴送甘州連存留在彼同起貢夷打發出關見監夷人朶撒恰等俱准放回會題留中不

疇幾至
問死